

2

證治彙補目錄

申江李用粹修之甫著

首卷

提綱門

中風

似中

傷風

附胃風

中寒

附外感陰毒內傷真陰

暑症

附疰夏濕溫煎厥說

濕症

附風濕痺火寒濕濕熱

燥症

火症

二卷

內因門

氣症

血症

痰症

飲症

傷食

附惡食不能食

傷酒

鬱症

附失精脫營

脾胃

勞倦

虛損

癆瘵

附傳尸癆鬱癆風癆

虫症

三卷

外體門

發熱

惡寒

附產後惡寒呻吟久

汗病

附盜汗心汗頭汗陰汗飲食汗

瘧疾

斑症

附妊婦發斑發疹

黃病

水腫

附肺脹身腫

破傷風

癘風

附滇南傳歸心方鵝掌風

痺症

痛風

附鬼箭筈

麻木

瘰症

四卷

上竅門

眩暈

附鬱冒頭重肝厥

頭痛

附眉棱痛腦痛

面病 附類題

頭風 附雷頭風大頭風

目疾 附偷針眼倒睫拳毛雀目眼

耳病 附耳鳴耳痛膿耳耳聾停耳耳痒盯耳

鼻病 附腦砂 口病 附唇病齧舌舌病

齒病 附走馬疳齒蝕 咽喉 附伏氣疫氣

卷五

胸膈門

咳嗽 附肺痿胸痺肺癰痰火肺脹

喘急 哮喘

吐血 附衄血咯血嘔血唾血咳血痰涎血齒衄腦血肌衄

呃逆

嘔吐

附漏氣走哺食庫

痞滿

噎膈

附梅核氣

反胃

吞酸

附吐清水

嘈雜

惡心

附愛氣

消渴

癲狂

附中邪心風

癩症

驚悸怔忡

附卑慄失志

健忘

附驚恐

卷六

腹脇門

心病

附胃腕痛胸痛

腹痛

附腹中窄狹小腹痛

霍亂

積聚

脹滿

附虫蠱脹

脇痛

腰痛

附腎着

卷七

腰膝門

痿躄

附鶴膝風解休陰毒

疝氣

附木腎白液偏墜陰挺腎囊風

脚氣

附濕火脚心痛骨疽

厥症

附暴死急救法

卷八

下竅門

泄瀉

痢疾

便血

附腸風臟毒腸癖蠱毒血痔

溺血

便濁

附精濁

遺精

附夢遺鬼交

淋症

附小便類數

癰閉

附轉胞胞痺關格

遺溺

閉結

附脾約陰結

脫肛

證治彙補卷之三

心熱音燦五血熱日中熱門人唐玉書翰文

吞肌肉間也補熱音燦五血熱徐文璽璽公

上海李惺菴先生著不熱不姪那俊彥章

張燦五文王血熱間也重對男謨丕文

正發熱章谷其想以平門之辨本誥揆文全較

大意

經曰陰虛則發熱此一端也其他除外感客邪之外

有勞力勞色氣鬱火鬱傷食傷酒挾痰挾痰瘡毒虛

煩皆能發熱宜熟辨之彙補

內因

陰虛而陽氣偏勝則發熱陽虛而下陷陰中亦發熱
東垣

外候

五藏發熱各有其狀以手捫之輕舉則熱重按不熱
是熱在皮毛血脉間也重按則熱輕舉不熱是熱在
筋骨間也輕手重手俱不熱不輕不重乃熱者是熱
在肌肉間也肺熱者熱在皮膚曰西尤甚酒漸喘咳
心熱者熱在血脉日中則甚心煩掌熱脾熱者熱在
肌肉遇夜尤甚倦怠嗜臥肝熱者熱在筋肉寅卯則

甚筋緩善怒腎熱者熱蒸在骨夜半尤甚骨蒸如蘇

東垣

鬱火發熱

鬱火發熱左關弦數有力或緩弱有力肌肉如火筋骨如燒捫之烙手或晝夜不減或夜分卽熱天明暫緩其熱必手足四肢更甚緣脾主四末熱伏地中故也此症亦有因血虛而得者亦有胃虛過食生冷陰覆乎陽鬱遏陽氣于脾土之中者宜用火鬱發痰之

法火鬱湯主之

準繩

陽鬱發熱

陽鬱發熱由勞役飢飽失宜其潮熱宛類瘵疾日出
氣暄則熱天陰夜涼卽緩六脉弦數宜補中益氣湯
加地骨皮或逍遙散

彙補

骨蒸發熱

四肢蒸灼如火者必陰氣虛陽氣盛四肢者諸陽之
本也兩陽相搏而陰氣虛少少水不能滅盛火而陽
獨治獨治者不能生長也獨勝則止耳如炙如火者
當肉爍也

素問

外候口乾体瘦食少懶倦遇夜尤甚平

旦不覺宜秦芩鱉甲散主之

彙補

內傷發熱

內傷飢餓勞倦發熱六脉微弱或右手大三倍于左手按之無力懶言自汗渾身痠軟甚至肌膚壯熱目赤面紅譫語煩渴日夜不息身不惡寒爲血虛發熱雖像白虎湯症而脉不長實宜當歸補血湯準輕者頭眩倦惰飲食無味惡寒發熱時作時止下午乃發手心熱而手背不熱所謂陽虛下陷發熱也輕者三

發卽止南人呼爲勞發者卽此又飲食失節勞役過度一切火症悉屬內真寒而外假熱故肚腹頻喜手按口畏冷物乃形氣病氣俱不足也補中益氣湯大劑服之甚者加附子若因熱而汗下之立危補

陽虛發熱

有腎虛水冷火不歸經游行於外而發熱者自汗不
任風寒煩渴引飲不能下咽而口俱赤舌生芒刺兩
唇黑裂喉間如火兩足如烙痰涎壅盛喘息不寧脉
浮洪大按之微弱宜用八味丸導龍入海所謂踞其
窟宅而招之卽益火之原以消陰翳也

補藥

陰虛發熱

有勞心好色內傷真陰陰血旣傷陽氣獨盛發熱不
止向晚更甚或飲食如常頭脹時作脉洪數無力視
其舌大而色赤者陰虛也當滋真陰宜地黃湯若久

而盜汗遺精咳嗽毛枯宜三才丸補水以匹火是亦
壯水之主以鎮陽光之義耳

彙補

血虛發熱

一切吐衄便血產後崩漏血虛不能配陽陽亢發熱
者治宜養血然亦有陽虛而陰走者不可徒事滋陰
所以有脫血益氣陽生陰長之法使無形生出有形
來此千古傳心之法嘗見庸流耑執四物以爭長此
未明大易之義也

彙補

痰症發熱

痰症發熱向夜大作天明漸止必兼胸膈不快惡心

不食肢倦體瘦蓋痰滯中宮阻碍升降故惡心痞悶
血無所滋故夜分轉甚津液不化而體瘦氣血阻滯
而倦怠均宜健脾化痰寬中清火則痰利而熱除矣
如果實痰爲患滾痰化痰二丸皆可選用

彙補

傷食發熱

傷食發熱必氣口緊盛或沉伏頭疼嘔惡噫氣吞酸
胸口飽悶或脹或痛手不可按蒸蒸然熱明知其熱
在內也消導則已

指

若兼左脉弦急又是傷食夾寒

先宜解表然後消導如不愈後變口舌乾燥心下硬

痛等症當急攻之大柴胡湯枳朮丸

彙補

瘀血發熱

瘀血發熱必脉滿嗽水不嚥或痰涎嘔惡或兩足厥冷或胸脇小腹急結或吐紅鼻衄均宜桃仁承氣湯下之

仁齋

瘡毒發熱

瘡毒發熱飲食如故日晡寒熱拘急倦怠脉數而急須問有無痛處以驗其瘡毒之候治先發散然後和

血六要

作止分辨

夫外感寒熱齊作無間內傷寒熱間作不齊此待論

其常耳東垣然外感初起似瘧狀發亦作止不時此邪

氣尚淺而未能混淆正氣故乍離乍合脉必至數有

力仍當解散更有內傷勞倦似陽明白虎發熱晝夜

不減此氣血兩虛故亦齊作無間脉必重按無力仍

當溫補彙補

晝夜熱辨

晝則發熱夜則安靜是陽氣偏勝于陽分也晝則安

靜夜則發熱是陽氣下陷于陰中也晝則發熱煩躁

夜亦發熱煩躁是重陽無陰也東垣更有晝熱陽虛口

中無味病責之胃宜甘溫補氣暮熱陰虛口中有味

病責之腎宜甘寒滋陰補彙

三焦熱辨

熱在上焦咽乾口糜熱在中焦心煩口渴熱在下焦

便閉溺赤

入門

虛實熱辨

胸悶而惡心引飲便實者實熱也胸爽而少食自汗

短氣者虛熱也

入門

表裏熱辨

有表症而身熱者外感表熱也無表症而身熱者內

傷裏熱也

補彙

氣血熱辨

氣分虛熱者用甘溫以除熱蓋大熱在上大寒必伏于內用甘溫以助地氣使真氣旺而邪火自熄血分虛熱者用甘寒以勝熱蓋陰火浮于外必真陰竭于內用甘寒以補腎使真水充而虛焰潛滅也

彙補

假熱有二

如大熱而甚寒之不寒是無水也熱去復來晝見夜伏夜見晝止時節而動是無火也熱動復止倏忽往來時作時止是無水也當助其腎又寒之不寒責腎之虛寒之不久責腎之少方有治熱以寒寒之而穀

食不入此爲氣不疎通壅而爲是也玄有病熱脉數

按之不鼓擊于指下者此陰盛格陽內真寒而外假

熱陰症似陽也病熱忽寒手足俱冷按之脉來鼓擊

于指下有力者此陽盛拒陰外假寒而內實熱陽症

似陰也

傷寒書

彙補曰發熱真假幽顯難明苟不力辨則剎那生

死能不畏哉如上所說入悉玄奧真化工筆也然

究其參稽之力非洞曉易義不能道其隻字要知

陰陽雖備于內經而變化莫詳乎義畫若是則太

少剛柔陰陽動靜烏可不究乎哉既明太少剛柔

陰陽動靜方知陽中有陰陰中有陽一切真假逆
順五藏幽顯無難推測矣故醫易曰病治脉藥須
識動中有靜聲色氣味當知柔裏藏剛知剛柔陰
陽之運用而醫中之玄妙思過及半矣

脉法

浮大無力為虛熱沉實有力為實熱病熱有火者生
心脉洪大是也無火者死心脉細沉是也脉盛汗出
不解者死脉虛身熱不止者死身有熱脉濇脉靜者
皆難治

治法

小熱之氣涼以和之大熱之氣寒以取之實熱之氣
下以折之虛熱之氣溫以從之鬱熱之氣因其勢而
發之假熱之氣求其屬而衰之

彙補

用藥

內傷勞役氣虛補中益氣湯肝經鬱火發熱逍遙散
血虛發熱四物湯陰虛發熱六味丸陽虛發熱八味
丸鬱火發熱者火鬱湯痰血發熱者當歸復元湯傷
食發熱者平胃合二陳小柴胡湯

選方

補中益氣湯

見虛中

逍遙散

見火症

六味丸

見前

八味丸 見前 火鬱湯 見火症 四物湯 見血症

秦芩鱉甲散 三才丸 俱見癆瘵 桃仁承氣湯 見血症

二陳湯 滾痰丸 平胃散 化痰丸 俱見痰

枳朮丸 見傷食 當歸補血湯 黃芪 三錢 當歸 一錢 棗 二枚

當歸復元湯 柴胡 八分 當歸 六分 川山甲 花粉 各一分

甘草 紅花 各七分 桃仁 錢半 酒浸大黃 三錢 加青皮 七分

小柴胡湯 人參 一分 黃芩 五分 半夏 七分 甘草 七分 加姜棗

大柴胡湯 即小柴胡湯加大黃枳殼厚朴

白虎湯 石羔 三錢 知母 花粉 各錢半 甘草 一錢 加竹葉

粳米 一升 粳米 一升 粳米 一升 粳米 一升 粳米 一升

心惡寒章
發熱惡寒者發于陽也無熱惡寒者發于陰也
景夜

發熱惡寒者發于陽也無熱惡寒者發于陰也

寒者陰氣旺于陰分晝寒者陰氣上溢陽中重陰者

晝夜俱寒東垣惡寒者發于陰也

晝夜俱寒東垣惡寒者發于陰也

陽虛則外寒陰盛則內寒內經此第言陰陽正虛之病

他如風寒暑濕痰火鬱瘀癰瘡一切邪氣拂鬱于表

表中之陽氣不能發越皆令惡寒彙補

外候

外候

惡寒者雖居密室幃幙之中猛火近熱之處仍覺憎
寒拘急甚則毫毛畢直鼓頰戰慄非若惡風之候見
風則凜凜畏懼無風則坦然自適也

彙補

陽虛惡寒

陽虛惡寒以陽氣能溫分肉而充皮毛肥腠理而司

闔闢內經內傷房慾火衰惡寒即熱之不熱是無火也

其症必兼踈臥足冷澀澀自汗兩尺沉細

彙補

勞倦惡寒

勞倦惡寒脉必緩弱或氣口虛大無力兼見倦怠手

心獨熱此勞倦過度脾胃不足衛陽下陷宜補中益

氣湯甚加桂附以行參芪之力東垣

肺火惡寒

肺受火剋毛竅常疎不能固腠理而酒漸惡寒者必

兼咳嗽咽乾治宜清金潤肺彙補

痰飲惡寒

痰飲惡寒由痰滯上焦榮衛阻滯抑遏清道不能固

密腠理而惡寒肥人多有此症脉滑或沉周身沉重

胸滿食減肌肉如故彙補

傷酒惡寒

傷酒惡寒因飲酒太過熱鬱在內不得宣越而惡寒

者症兼口渴昏眩 六要

傷食惡寒

傷食惡寒由飲食過度宿食內停或食冷物所致脉

必沉滑惡心頭痛飽悶噯酸宜從消導食化而寒自

已 六要

瘡毒惡寒

有背惡寒脉弦數寒熱兼作乃瘡毒之候審其有無

痛處隨部分經用藥大抵惡寒之候除氣虛陽虛外

者均宜發越以辛散之 六要

鬱火惡寒

東

有素病虛熱忽覺惡寒須臾戰慄如喪神守此火鬱
清道抑遏陽氣于脾土不得外越故手足厥冷乃火
極似水熱極反兼水化自覺其寒非真寒也外症口
苦溺赤脉數宜升陽散火湯

河澗

內外惡寒辨

外感惡寒雖近烈火不除內傷惡寒稍就温煖即止

東垣

脉法

表虛者浮濡火鬱者沉數陽衰者細遲痰飲者滑數
大抵脉來無力而惡寒者虛症脉來有力而惡寒者

非外感即內鬱也以兼症參之

彙補

治法

陽虛者益火之原表虛者固衛之失脾虛者補其中

火鬱者治其內痰宜吐下食宜消導酒宜分越

彙補

用藥

衛不和而惡寒者調中益氣湯脾胃弱補中益氣湯
陽虛四君子加黃芪炮姜肉桂附子表虛黃芪建中
湯濁痰滯膈先用姜茶探吐後用通聖散加減肺火
甘桔湯加酒芩門冬山梔惡寒久不已服諸藥不效
者亦宜解鬱大抵惡寒之症種種不同然世人以背

惡寒屬太陽經此經氣鬱而不行或濁痰阻滯經絡
藥中必加羌活以散太陽之邪

附產後惡寒

產後氣血兩虛惡寒者腹中不和脉虛大無力八珍
湯若小腹脹痛是惡露心下飽悶是食滯乳中脹痛
是蒸乳四者皆令惡寒宜詳辨之

彙補

附呻欠

足陽明之脉是動則病振振寒善伸數欠欠者陽引
而上陰引而下陰陽相引俗名呵欠

彙補

選方

調中益氣湯 補中益氣湯 四君子湯 黃芪建

中湯 見勞倦 防風通聖散 見火症 升陽散火湯 即火鬱湯

升麻葛根湯 見傷暑

甘桔湯 治肺受火剋酒漸惡寒

甘草 桔梗 加酒芩 山梔 麥冬 五味

棗仁 水煎

黃芪葛根湯 治酒鬱內熱惡寒

黃芪 一兩 葛根 五錢 煎服大汗而愈 如痰濕惡寒宜

苦參赤小荳各一錢為末蜜水調服探吐吐後以

蒼朮川芎南星黃芩糊丸白湯下 冬月去芩加姜汁為丸

汗病章

大意

汗乃心液在內為血在外為汗腎復主液在內為液
在外亦為汗故自汗必由心腎虛而得之

醫聖

內因

自汗者衛氣不固榮血滲泄

醫鑑

飲食飽甚汗出于胃

驚而奪精汗出于心持重遠行汗出于腎疾走恐懼

汗出于肝搖體勞苦汗出于脾

素問

外候

陽虛自汗必惡寒火熱自汗必躁熱傷濕自汗困倦

身重天陰轉甚聲如養出傷風自汗頭疼身熱咳嗽
煩悶鼻塞流涕傷暑自汗身熱口渴煩躁面垢痰症
自汗頭眩嘔逆胸滿吐痰心虛自汗怔忡恍惚肝熱
自汗口苦多眠腎虛自汗潮熱咳嗽脾虛自汗倦怠

少食 彙補

汗分冷熱

自汗有冷有熱陰虛陽痿者發熱自汗汗出必熱陽
虛陰痿者厥冷自汗汗出必冷然有火邪亢極反兼
水化而汗冷者又有相火出于腎中挾水化而汗冷

者不可不審 彙補

汗多亡陽

氣虛則外寒雖見熱中蒸蒸為汗終傳大寒

經文此因

汗多亡陽重虛其表陽虛極矣故為寒中凡病甚虛極之人多有頭面汗出淋漓口鼻皆冷手足青色氣促不止急欲溫補以追欲絕之陽并外用撲法亦有

生者遲則不及矣

彙補

脈法

浮而濡者為汗在寸為自汗在尺為盜汗自汗之脈微而弱為陽衰盜汗之脈細而濇為陰弱

彙補

治法

陽虛自汗宜補肺然有扶陽而不愈者乃表虛汗無
以外衛也當斂表以實之心虛自汗宜安神然有補
心而不愈者乃血虛而汗無以退藏也當養血以調
之汗出于脾濕氣盛也當燥之然有補脾勝濕而不
愈者乃火氣蒸騰也當先清其熱汗出于腎陽加陰
也當清之然有涼血養血而不愈者乃相火作汗也
當滋其陰肝主疎泄而自汗者當調血清火胃經氣
熱而自汗宜導痰通滯此治雜病自汗之法也若夫
傷風傷濕而汗者當發汗以解外溫病熱病而自汗
者當寒涼以清中又非前法並論也

補藥

治分五臟

肺虛者護其皮毛脾虛者壯其中氣心虛者益其血
脉肝虛者禁其疎泄腎虛者固其封藏五臟之內酌
其宜溫宜清宜燥宜潤而用之惟存乎臨症之頃也

彙補

死症

津脫者腠理開汗大泄

靈樞

凡汗出髮潤汗出如油汗

出如珠汗多喘滿汗雨淋漓皆不治也

彙補

用藥

陽虛用建中湯參附湯表虛用桂枝加芪朮湯心虛

用歸脾湯肝火用逍遙散腎虛用地黃安腎丸相火
用當歸六黃湯濕勝用羌活勝濕湯痰病用理氣降
痰湯凡虛症服諸藥汗不止者重加棗仁有微熱者
加石斛勞役氣虛寒熱倦怠少食自汗脈虛大或沉
細補中益氣湯去升柴加五味麻黃根火氣上蒸胃
濕作汗者涼膈散濕熱自汗衛氣虛弱不任風寒者
調衛湯痰實膈滯寒熱自汗能食便秘脈實者大柴
胡湯下之大抵氣熱汗出多是有餘之症

盜汗附

盜汗者睡則出汗醒則漸收因陰氣空虛睡則衛氣

乘虛陷入陰中表無護衛榮中之火獨旺于外蒸熱而汗醒則氣週于表而汗止此症多見于虛勞之人陰氣損傷宜養榮清熱若大病之後新產之餘及久出盜汗不止則陽氣亦虛宜補氣固陽固陽能生陰氣爲水母甘溫化氣陰液斯斂若拘泥濟陰烏能衛外故表而出之

補藥

頭汗附

頭汗者以六陽之脉上循于頭三陰之經至頸而還陰虛陽浮故汗出頭頸不能週身有相火迫其腎水上行心之分野者有陽氣失所依附飛越于高巔者

有寒濕相搏者有瘀血內蓄者若關格小便不通而頭汗者難治及陽脫唇舌口鼻清冷而頭汗者亦不

治 醫統

飲食汗附

飲食汗者因正氣空虛反為飲食慄悍之氣所勝故食入汗出久不已則心氣耗散令人消渴偏枯宜安

胃湯斂之

醫統

又飲酒中風頭面多汗食則汗甚常不

可單衣身常濡口乾善渴名曰漏風蓋頭為諸陽之會酒性亦陽所以飲必見面醉後陽氣升頭毛竅亦

開當風坐臥風邪入之故多汗宜實表

彙補

心汗附

心汗者圓圓一片只在心堂因憂思驚恐以傷其心宜斂神益氣歸脾湯主之或川猪心一具帶血破開入人參當歸末一兩煮熟去藥食之仍以艾煎湯調茯苓末一錢服

黃陰汗附

酒色過度每多陰汗用六味地黃湯加山梔柴胡有房勞汗出中風下體多汗不能勞事十味劉散加黃

栢棗補

汗病選方

黃芪建中湯 治陽虛自汗

黃芪

桂枝

各錢半

白芍

三錢

甘草

一錢 生姜 餽水煎

當歸六黃湯

治陰虛盜汗

當歸

生地

熟地

黃柏

黃芩

黃連

各一錢

黃芪

二錢 水煎

玉屏風散

治虛炎自汗

防風

黃芪

各一錢

白朮

一錢 水煎

實表散

澹寮

治腠虛冷汗

附子

炮

肉蓯蓉

細辛

五味子

各一錢

與黃芪建

中湯合用加小麥水煎

羌活勝濕湯 治濕勝自汗

炙甘草 三錢 黃芪 一錢 生草 五分 黃芩 生 炒黃芩 各三

人參 三錢 川芎 藁本 防風 各三 獨活 二分 升麻

柴胡 各五分 細辛 蔓荊 各三分 薄荷 一分 水煎服

理氣降痰湯 治痰病自汗

桔梗 枳殼 木橘 紅 半夏 茯苓 香附 各錢二分

貝母 一錢二分 甘草 桂枝 各五分

防已黃芪湯 仲景

防已 五分 黃芪 半錢 白朮 七分 甘草 五分 姜棗水煎

安胃湯

登台景浦 卷之三

黃連 五味子 烏梅肉 生甘草 各五分 熟甘草

三分 升麻 稍分 水煎

歸脾湯 見類中風

封臍法

用五倍明礬為末津液調封臍中一宿即止女人津

唾更佳

撲粉法

用牡蠣白朮麥麩麻黃根蘘本糯米防風白芷等末

絹包周身撲之

捷徑法

用青桑葉一味乘露採焙乾爲末一錢空心溫米湯
飲下

川海集卷之二
刺乘亂社
欲求
一
幾
終
心
屬
未
已

附注

瘧疾章

大意

夏傷于暑秋成瘧瘧

經文

瘧者瘧之總名也因其有戰

寒壯熱暴瘧酷瘧之義故名大抵無痰不成瘧外感

四氣內動七情飲食飢飽房室勞傷皆能致之其中

氣凝滯鼓動痰涎則一也

葉補

內因

夏時伏陰在內陽浮于外真氣消燦其汗大出人多
煩渴或過食生冷瓜果或坐臥陰地取涼致膚腠閉
蜜邪留于胃聚而成痰至秋陽氣收肅陰氣下移中

州之痰氣愈加壅滯胃氣行至其所與之相遇而寒
熱作焉陰陽之氣更相勝負故衛氣行過與邪暫離
故有時汗解及邪衛復集病必再作此陰陽之升降
邪正之合離也

彙補

外候

其寒也欠伸毛悚鼓頷戰慄湯火不能溫其熱也頭
疼脊痛煩躁飲冷水水不能寒或先寒後熱或先熱
後寒或寒熱多少或單熱單寒

大全

三陽經瘧

太陽之瘧腰背頭項俱疼先寒後熱熱止汗出陽明

之瘧目痛鼻乾舌燥寒甚乃熱熱甚而汗出喜見火
日光少陽之瘧口苦脇痛而嘔寒熱往來身體解佻

門入

三陰經瘧

少陰之瘧寒少熱多嘔吐獨甚舌乾口燥欲閉戶牖
而處太陰之瘧慘然太息腹滿惡食病至善嘔嘔已
乃衰厥陰之瘧腰痛小腹滿小便數而不利恐懼不
足腹中悒悒

指掌

風瘧

凡瘧皆生于風風瘧者因避暑乘涼汗出當風閉其

毛孔熱不得泄越而作所謂夏暑汗不出秋成風瘧其症煩燥頭疼惡寒自汗先熱後寒治宜發汗彙補

寒瘧

納涼之風寒沐浴之水寒先伏于腠中因秋風涼肅而發其症腰背頭項疼痛先寒後熱治當大汗彙補

暑瘧

暑瘧者其症大汗大煩大喘大渴靜則多言體若燔炭汗出而散單熱微寒宜清暑解表彙補

濕瘧

外着雨露內停水濕發則一身盡痛手足沉重嘔逆

脹滿名曰濕瘧宜解表除濕補

溫瘧

冬中風寒藏于骨髓及遇大暑腠理發泄邪氣與汗皆出故先熱後寒名曰溫瘧宜和解熱多小柴胡寒

多加桂枝補

瘧瘧

瘧瘧者山溪蒸毒濕熱蒸薰邪鬱中焦發時迷悶甚則狂妄乍寒乍熱乍有乍無一身沉重不習水土者恆多患之甚則血瘀于心涎聚于脾亦有口瘡不能言者宜先吐其痰後利大腸涼膈散或小柴胡加大

黃木香輕者藿香正氣散

彙補

疫癘

一方長幼病皆相似此因天時寒熱不正邪氣乘虛
襲入所致宜隨時令施治此司天運氣之所宜考也

彙補

鬼瘧

鬼瘧因卒感尸疰客忤寒熱日作夢寐不詳多生恐
怖言動異常俗云夜發為鬼瘧者非也宜祛邪禁壓
法或平胃散加桃仁雄黃

方考

痺瘧

痺瘧者肺素有熱腠理開發風寒舍于皮膚之內分
肉之間發則陽氣盛其氣不及于陰故但熱而不寒
素問今人素有火症復挾飲食與痰每多熱而不寒均
宜消導清火

痰瘧

痰瘧因夏月多食瓜菜油麵鬱結成痰熱多寒少頭
疼肉跳吐食嘔沫甚則昏迷卒倒寸口脉浮大者吐
之關脉弦滑者化之若胸滿熱多大便秘實大柴胡
湯下之

彙補

食瘧

食瘧一名胃瘧因飲食失節飢飽不常穀氣乖亂榮
衛失所寒已復熱熱已復寒寒熱交併噫氣惡食食
則吐逆胸滿腹脹食在膈上探吐之食停未化消剋
之食已消疎解之

彙補

虛瘧

元氣本虛感邪患瘧飲食少進四肢乏力自汗不止
倦怠嗜臥微有表症者人參養胃湯爲主久而不已
但宜養正六君子加柴胡乾葛不可用劫奪法轉成
他症又有入房感寒成瘧者晝則寒甚夜則發熱服
藥不得汗者用蒼芎桃柳煎湯浸足至膝內服補劑

其汗必行又有虛極之人瘧發之時寒不成寒熱不
成熱氣急神揚精神恍惚六脉豁大此元氣衰脫將
有大汗昏暈之虞宜防之

彙補

勞瘧

勞役過度榮衛空虛其症發熱惡寒寒中有熱熱中
有寒或發于晝或發于夜遇小勞便發必氣虛多汗
飲食少進又血虛午後發熱至晚微汗乃解此似瘧
非瘧也若悞投瘧治必危久而成瘵舍補奚爲

彙補

瘧母

凡瘧經年不瘥謂之老瘧或食積痰涎瘀血結成痞

塊藏于腹脇作脹且痛令人多汗乃瘧母也此榮衛
虛損邪氣留着宜養正氣終當自化設悞為攻削必
至中滿慎之彙補

為熱為寒

人身之中衛氣居外營血居內陽邪與榮爭而邪火
發于外則為熱陰邪與衛爭而正氣退于內則為寒
表邪多則寒多裏邪多則熱多表裏相半寒熱相爭
諸瘧惟勞傷食積痰火則寒已復熱熱已復寒謂之
寒熱相併入門外有瘧瘧但熱不寒者乃邪併于表則
陽盛陰虛陰虛生內熱陽盛生外熱而中外皆熱也

牝瘧但寒不熱者乃邪併于裏則陰盛陽虛陽虛生
外寒陰盛生內寒而中外皆寒者一定之則也彙補

陽分陰分

大抵一日一發及午後發者邪在陽分易已間日發
及午後夜間發者邪在陰分難已若間一日連二日

發或日夜各一發者為陰陽俱病雜著陰分多而陽分

少則其發日遠陽分多而陰分少則其發日近甚則

內外失守眞邪不分休作無時也彙補

連發間發

受病重者邪氣內薄于陰分陰為臟其邪深橫連募

原募原者五臟空穴之總名在背爲陽爲募在腹爲陰爲

原其道遠其氣深邪內居之不能與正氣并行故間

日蓄積乃發門入其有三日一發者乃三陰經瘧其病

更深發于子午卯酉者少陰經也辰戌丑未者太陰

經也寅申巳亥者厥陰經也川溪

日輕日重

時日支干之衰旺每于人身有相關蓋甲丙戊庚壬

天時之陽也乙丁巳辛癸天時之陰也瘧久食減胃

中之正氣已孤而邪去未盡是以值陽日助正而邪

不能勝正則輕值陰日助邪而正不能勝邪則重彙補

日發夜發

受病輕者邪氣外舍于陽分陽爲腑其邪淺客于腠理與衛氣並行故一日一發發有晝夜之殊因衛氣晝行于陽夜行于陰此氣得陽而外出故發于日間榮衛晝行背與脊故也得陰而內薄故發于暮夜榮衛夜行胸與腹也

移蚤移晏

邪氣客于風府循膂而下衛氣一日一夜大會于風府其明日下一節故其作也晏其出于風府日下一節二十五日下至骶骨二十六日入于脊內注于伏

脊之內其氣上行九日出于缺盆之中其氣日高故

作日益早也內經所以正氣勝而外出則移早為輕邪

氣勝而入內則移晚為重彙補

脉法

瘧脉自弦弦數多熱弦遲多寒弦虛宜補弦緊宜汗
弦而浮大可吐弦而實緊可下微弱為虛代散則死
如六脉遲緩者將自愈

治法

無汗須發汗散邪為主有汗當斂汗扶正為先心邪法
瘧及新發者可汗吐下虛瘧及久病者宜補氣血稍

久而正虛邪滯者宜一補一發若深入于陰分者宜先升後汗至如邪乘虛入則宜以發散祛其客邪然後扶培胃氣痰食氣滯則先以消導散其壅滯然後漸補脾元

彙補

邪氣避其銳氣

平野全

方其盛時必毀因其衰也事必大昌

內經

凡瘡方發之

時不可服藥須于未發兩時之先否則藥病交爭轉

深為害

彙補

宜蘇

截宜權變

數發之後曾經汗解可商截法久則中氣愈虛病邪

愈深設或脉尚緊盛邪氣方銳未可輕截恐補佳邪

氣變生他患彙補

截後宜補

截而不愈不可再截恐損其氣宜分晝發夜發寒熱
多少以和解之久則脾氣虛衰須服養脾祛痰之藥
脾氣一盛自然平復大
全

瘧病死

凡瘧至吐瀉不食腫脹歸腹者不治亦有峻補參芪
而獲生者亦僅百中之一二也彙補

用藥

主以二陳湯合柴胡湯因寒加羌活蘇葉因暑加黃連香茹因濕加蒼朮厚朴因瘴加菖蒲藿香因食加山查麥芽因痰加枳實胆星頭疼加川芎胸滿加枳殼口渴加知母甚加石膏去半夏嘔吐加藿香大抵外感寒多非草菓厚朴不能溫散熱多非柴胡黃芩不能清解陽瘧無汗須用蒼朮葛根陰瘧無汗須用升麻柴胡陽瘧多汗斂以參朮黃芪陰瘧多汗斂以歸芍烏梅陽瘧三四發後不愈者截以不二飲陰瘧數十發不愈者提以補中益氣湯加白豆仁以分邪正而瘧白止脾虛多熱者清脾飲胃虛多寒者人參

養胃湯其間日發連兩日發者八珍湯大補氣血若
微寒微熱不能遽除是正氣已虛邪氣亦盡加柴胡
黃芩驚甲于補榮衛藥中尋當自愈

選方

清脾飲簡易治瘧疾熱多寒少口渴溺赤脉弦數者脉

滑有力用蒼木脉濡無力用白朮

青皮 厚朴姜炒 草菓 柴胡 黃芩 茯苓

半夏 甘草炙各七分 姜棗

不二飲 治瘧在陽分三四發後人壯可截者

柴胡 黃芩 常山 知母 芍藥 檳榔

青皮 甘草 水酒各一碗煎露一宿五更時服

忌熱茶湯飯一日

驅瘧散

和劑

治瘧疾熱少寒多自汗肢冷脉弦遲者

前胡

柴胡 各八分

桂心

桔梗

厚朴

半夏

各六分

分 黃芪

乾葛

甘草

各四分

姜棗

人參養胃湯

治虛瘧食少諸症

草菓

人參

茯苓

各五分

甘草

橘紅

各八分

厚朴

蒼朮

半夏

各錢

藿香

五分

寒多加乾姜桂枝熱多

加柴胡黃芩生姜烏梅水煎

芎歸鱉甲湯

治勞瘧表虛裏損真元未復疾雖暫

可少勞復作

川芎中 當歸中 鱉甲中 茯苓 青皮 陳皮

半夏 芍藥等分 生姜 烏梅 煎

四獸飲 卽六君子湯加草菓烏梅生姜大棗

黃芪 鱉甲湯

黃芪中 鱉甲下 何首烏上 陳皮下

柴胡 養陰湯

柴胡上 當歸中 陳皮中 知母下

瘧母丸

青皮 桃仁 紅花 神曲各五錢 三稜 蓬朮

海粉各七錢 鱉甲醋製一兩 香附醋炒八錢 麥芽五錢 神糊丸

以補藥送下

小柴胡湯仲景 治瘧往來寒熱

柴胡 黃芩 半夏 人參各一錢 甘草五分 姜棗煎

加丹皮山梔名加味小柴胡湯加石膏知母柴胡

白虎湯

藿香正氣散見嘔吐

補中益氣湯 八珍湯 六君子湯 平胃散

卷之三

人參 人參 人參 人參

香 蓮 芩 朮

白 朮

賦 氏 山 參 小 柴 胡 湯 賦 氏 山 參 小 柴 胡 湯

柴 胡 黃 芩 半 夏 人 參 甘 草 正 黃 芪 煎

小 柴 胡 湯 賦 氏 山 參 小 柴 胡 湯

以 膏 藥 幾 可

或 律 治 小 柴 胡 湯 賦 氏 山 參 小 柴 胡 湯

班疹章

大意

班屬三焦無根之火疹屬心脾濕熱之火其上侵于

肺則一也

入門

內因

熱則傷血血熱不散裏實表虛出于皮膚而為班也

明理論

外候

班勢掀發微腫有色痕而無頭粒小者如芝麻大者如芡實輕者如星布重者如錦紋其赤色者胃熱也

紫黑者胃爛也例或有青藍色者見則不治要知赤

班半死半生黑班九死一生傳針頭稠密者凶喘促

自汗者死氣實足煖者易治氣怯足冷者難醫自胸

腹散四肢者可治自四肢入于腹者不治將發之先

先自吐瀉者吉既發之後久瀉不止者凶彙補

外感發班

有傷寒發班有時氣發班有陽毒發班有溫毒發班

四症之中溫毒為重皆因熱邪在表不當下而下之

乘虛入胃或熱邪在裏胃熱不泄二者皆能發班也

三初起必有頭疼身熱之表症先宜辛涼徹其表後

用寒涼清其中門入

內傷發班

內傷發班輕如蚊迹多在手足初起無頭疼身熱表
症門入乃勞役過度胃氣虛極一身之火遊行于外或
他症汗吐下後中氣虛之餘邪無所歸附散于肌表
宜補宜降不可妄行涼藥大建中湯指掌

陰症發班

陰症發班亦出胸背手足但稀少而淡紅如蚊迹之
狀此名陰班終不似陽班之紅顯因腎氣太虛陰盛
于下迫其無根之火聚于胸中上薰肺分而爲班若

誤作熱症而用涼藥者非宜調中湯溫胃其火自降
而班自退指掌

發疹內因

疹屬熱與痰在肺發則癢疔不仁多兼風濕之殊心法

發疹外候

疹有豆粒或如粟米或如蚊迹或隨出隨沒或沒而
又出紅靨隱密皮膚不透出者為癰疹顆粒顯透皮
膚為痧疹初起必兼鼻塞流涕聲重咳嗽頭疼胸悶
發熱自汗更有風邪擁肺氣急鼻煽咳不能臥先用
潤肺利邪之品後變潮熱而頭不疼胸已快惟咳嗽

氣急如故此因木氣素虛肺邪雖解而陰火乘旺也
脈大者宜滋陰清肺斷不可悞投參芪酸斂以致不

救藥補

赤白癰疹

赤疹因熱燥氣乘之稍涼則消白疹因寒冷氣折之
稍煖則消似白似赤微黃隱于肌肉之間四肢重着
此脾經風熱挾濕也多因沐後感風與汗出解衣而
得入

脈法

癍疹鬱熱或伏或絕或細或散癍疹熱盛陽浮而數

陰實而大大率洪數有力者生沉小無力者死

治法

疹宜涼解班宜清火痒者祛風痛者清熱

繩墨

又班疹

並出者不可純用風藥恐變痰嗽渴嘔瘡瘍

彙補

用藥

外感班勢未透升麻玄參湯發之已透人參化班湯
清之內傷發班調中益氣湯斂之風熱發疹消風百
解散散之疹毒未解鼠粘子湯清之脾家風濕發疹
用黃瓜水調伏龍肝散服

外治法

凡班欲出未透用乾葛蟬退蘇葉煎湯搯之或葱白
搯或姜汁噴使班勢掀發爲度

又法

疹疹發不出氣急鼻塌者用芫荽搗爛同酒漿研勻
熱揩頭面胸背蓋煖白愈內服西河柳陰乾大劑與
之名曰獨勝散

班疹選方

人參化班湯 治外感陽實發班勢如錦紋

人參錢一 知母錢二 石羔錢五 甘草錢一 粳米撮一 水煎

升麻玄參湯 治外感熱甚發班隱隱未透

升麻 玄參 乾葛 甘草等分 水煎

調中益氣湯 治內傷胃氣虛而邪火為班

黃芪 人參 甘草 當歸 白朮各五分 白芍

柴胡 升麻各三分 橘皮 五味三位 水煎服

調中湯 治陰班

蒼朮 陳皮 砂仁 藿香 甘草 芍藥

桔梗 半夏各八分 白芷 羌活 川芎 麻黃

桂枝 枳殼各七分 水姜煎

大建中湯 治陰虛陽氣衰而浮越為班

黃芪 當歸 桂心 芍藥各二錢 人參一錢 甘草一錢

半夏 附子各五分 生姜 棗子 水煎

消風百解散 治風熱不散鬱於皮膚而為斑

荆芥 防風 白芷 羌活 陳皮 川芎

蟬退 蒼朮 柴胡 甘草各等分 生姜 葱白 水煎

鼠粘子湯 治疹發不徹無裏症者

鼠粘子 上 荆芥穗 中 甘草 下 防風

防風通聖散 治癰疹熱甚狀如班形稠密不消用

此清表徹裏 方見前

附妊婦班疹

妊婦發班先用透解次用清熱不可泥胎孕執用養

血蓋血藥凝滯班毒不能外透每致纏綿變症若

已透而內熱未消恐熱侵胎元宜護胎塗臍法彙補

妊婦發疹宜清肺透表亦不可用血藥以治疹邪亦

不可用燥藥以助疹熱彙補

塗臍護胎法 治妊婦外感發班已透熱未止恐熱

入子宮用此塗之不嫌無專滋養

以井底泥塗臍以下二寸餘以綿護之良久再易

陳茶 白芷 羌活 刺楸 川芎

百藥 白芷 羌活 刺楸 川芎

半夏 枳實 生薑 黃芩 水煎

黃病章

大意

中央黃色入通于脾內經故黃疸多屬太陰濕土脾不

能勝濕復挾火熱則鬱而生黃必讀

內因

發黃譬如膏麵相似多因飲食勞倦致傷脾土不能
運化濕熱內畜無由發洩流于脾肉遍于四肢凡鬱
鬱不得志之人多生此病指掌是脾虛為本濕熱為標
當于標本緩急審之三錫

外候

濕熱薰蒸土氣洋溢面目爪甲身體俱黃外則肌肉
微腫一身盡痛內則胸腹滿悶愛氣不舒日晡潮熱
四肢倦怠大便去而不快小便赤而短少或溺出沾
衣猶如栢染彙補

疸分乾濕

乾黃熱勝色黃而明大便燥結濕黃濕勝色黃而晦

大便潤利

入門

疸分陰陽

諸疸發于陰經必嘔惡發于陽經必寒熱彙補

黃疸分難易

疸症口渴其病難治疸而不渴其病易治又焦黃難治淡黃易治其壯年氣盛脉大易治老人氣弱脉微

難治彙補

黃汗

黃汗者汗出染衣色如薰黃身腫且痛雖發熱而不渴暮則煩躁不眠因脾熱汗出入水澡浴為風所閉熱留皮膚所致屬表症宜解熱濕和其榮用丁香嗜鼻法嗜去黃水自愈彙補

黃疸

黃疸者小溺面目牙齒指甲肢體皆黃食已善飢安

臥懶動增寒壯熱日晡轉甚因臟腑不和水穀相併
濕熱蒸鬱邪留胃中復爲風熱所搏結滯不散內蒸
外鬱病屬裏症便閉者攻之溺澀者利之二便利者
清解之彙補

穀疸

穀疸者發寒熱不能食食已頭眩腹脹不安心煩怫
鬱右關脉滑因胃熱大飢因而過食停滯中脘病屬
中焦宜先去水穀之積滯次解解胃之鬱熱彙補

酒疸

心胸懊懣欲吐不食腹如水狀足心熱足脛滿小便

黃眼黃鼻燥面發赤斑因大醉當風毒留清道病屬
上焦脉浮洪者當探吐設或誤下邪陷腎中變成黑
疸面黑目青如噉蒜齧大便黑膚粗燥其脉微弱者
不治彙補

女勞疸

女勞疸者黃如灰色額黑頭汗手足心熱薄暮不發
熱日反惡寒小腹急滿小便自利大便時澹腹脹如
水狀類黑疸因過于勞傷又于大熱之中犯房入水
所致病屬下焦非水氣也宜培脾腎若腹滿多渴者

難治彙補

登台黃補
卷之三
黃

虛黃

虛黃口淡怔忡耳鳴脚軟怠惰無力寒熱微作小便濁澁皮膚雖黃而爪甲如常此勞倦太過氣血俱虛不可妄用涼藥宜調中培土若面色青黃小便自利謂之木勝于土中走于外又宜培脾抑肝彙補

陰黃

陰黃者四肢清冷自汗泄利小便清白身不發熱脉沉而遲乃脾腎虛損所致宜溫補亦有過服寒涼變成陰症身體俱黃膚冷胃疼眼澁不開大便自利者

茵陳附子乾姜湯

彙補

疸兼雜症

黃疸初起多兼雜症如風症色黃帶青寒症色黃帶黯暑症色黃帶赤瘀血發黃喜忘如狂溺清便黑食積發黃惡食噫氣胸滿腹脹又有瘀熱入心發黃者有痰火入肺發黃者不拘外感內傷拂鬱不舒皆能

成疸

入門

死症

凡疸以十八日爲期治之十日已土爲瘥如寸口近掌處無脉口鼻皆冷泄利嘔噦胃氣已脫者死環口鰐黑汗出如油脾氣已絕者死面見黑色搖頭直視

者死疽毒衝心如狂喘滿腹脹氣短者死脉微小有神小便利而不渴者生口渴者死其云十八日爲期者此指眞黃而言若脾虛而黃不在此例

彙補

脉法

五疽實熱脉必洪數虛小微濟症屬虛弱脉浮可吐脉沉可不脉洪泄利而渴者死脉小泄利不渴者生入腹脹滿脉弦硬者凶

彙補

治法

疽病總以清熱導濕爲主若病久脾胃衰薄者當補

中必讀

治禁苦寒

疽屬脾胃不可驟用涼藥傷胃必佐以甘溫君以淡
滲則濕易除而熱易解若純用苦寒重傷脾腎輕則
嘔噦下利重則喘滿腹脹

彙補

久宜溫補

疽屬虛損宜溫補腎肝真陽之氣一升而邪火自斂
若疽用茵陳必利小便枯竭肝津腎水則強病幸痊
而雀目腫脹又作

入門

彙補

用藥

主以胃苓湯茯苓滲濕湯溺澀加木通食積加山查
屬虛者培脾用四君子湯補腎八味丸陰黃理中湯
平肝建中湯

驗死生法

用二指重按病人胃前臙中穴二指左右分開中間
有血色者可治無血色者不治

選方

茯苓滲濕湯 治濕熱發黃口渴溺澀少食少臥

茵陳七分茯苓六分澤瀉 猪苓 白朮 蒼朮

陳皮 黃連 山梔 秦艽 防已 葛根各四分

燈草 水煎

胃苓湯 治脾胃不和倦怠食少

蒼朮 中厚朴 陳皮 上甘草 澤瀉 中茯苓 上

猪苓 下

加味五苓散 治寒濕發黃

白朮 上茯苓 猪苓 下澤瀉 肉桂 下茵陳 中

乾姜 中厚朴

理中丸 治陰黃為病

黃芪建中湯 治虛黃

加味四君子湯 治女勞疸即四君子加黃芪白芍

扁豆水煎

茵陳乾姜附子湯

寶鑑治寒濕虛黃

附子

三錢

乾姜

二錢

茵陳

一錢二分

茯苓

五分

草豆蔻

一錢

煨

枳殼

半夏

澤瀉

各五分

白朮

四分

陳皮

三分水煎

補中益氣湯

加茵陳 梔子 猪苓 澤瀉 黃連 滑石 赤

苓

地黃丸

加蒼朮 白朮 茵陳 酒炒黃柏 湯丸 二藥早

晚兼進 又當服綠礬丸 更效 二方皆治虛疽

針砂丸

祕方

治黃疸積塊久而不愈

猪苓

澤瀉

白朮

赤苓

各五錢

蒼朮

砂仁

香附 厚朴 各二兩 三稜 莪朮 烏藥 茵陳

草菓 針砂 醋炒七次 各一兩 木香 青皮 陳皮 各七錢

右為末老酒打糊丸梧子大每服七十九丸忌食雞

魚

硝石礬石散 治女勞疸

硝石 礬石 各炒研 等分 為末大麥粥汁調服二錢

一方用滑石不用硝石

為治用生姜二觔搗爛煎湯於無風處洗浴令遍身

汗出如雨後用高良姜根搗汁服之令其或吐或

下行一二次即愈 又方用大芫荇搗汁酒服三

朝即愈 又方用綠礬不拘多少炒至白色為末
煮棗內丸如櫻桃大每服七丸早至晚各一服黃
酒送下忌醋生冷發物或有蟲即吐出如神

解... 木大... 藥...

百... 藥...

草... 藥...

香... 藥...

甘... 藥...

水腫章

大意

諸濕腫滿皆属于脾內經脾主水穀虛而失運水濕停

留大經小絡盡皆濁腐津液與血悉化爲水故面目

四肢浮腫彙補

內因

入身真水火消化萬物以養身門入故水則腎主之土

則火生之惟腎虛不能行水脾虛不能制水故腎水

之濫反得浸漬脾土是以三焦停滯經絡壅塞水滲

于皮膚注于肌肉而爲腫心法

外候

水始起也目窠下微腫如新臥起狀頸脉動時欬陰
腹間寒足脛腫腹乃大以手按其腹隨手而起如裏
水之狀皮薄而光

針經

陽水陰水

若遍身腫皮色黃赤煩渴溺澁大便閉脉沉數此爲
陽水若遍身腫皮色青白不渴大便澹小便少不澁
此屬陰水

丹溪

腫上體肩背手面手之三陽經陰水內因生冷溼
或兼勞慾房色先腫下體腰腹脛跗足之三陰經

門入

氣腫水腫

皮厚色蒼四肢削瘦胃腹痞滿自上而下者多屬氣
皮薄色嫩腫有分界自下而上者多屬水又按之不
成凹而即起者氣也按之成凹不即起者濕也

風腫瘀腫

風腫走注疼痛皮粗麻木即痛風身腫是也瘀腫皮
膚光亮現赤痕血縷乃血化爲水也

大風水石水

風水面浮身腫自汗惡風脈浮體重骨節疼痛不渴
宜表散石水腹滿不喘其脈沉宜利便

準繩

水分血分

婦人身腫有水分血分之殊水分者中州停濕心下
堅大病發于上先水腫而後經斷治在中焦血分者
血結胞門臍下脹病發于下先經斷而後水腫治在
下焦且血分之病小腹硬痛手不可按而水道清長
與脾虛之候大腹柔軟水道澁滯者各別宜破瘀之
劑若屬懷孕亦有氣遏水道而腫者但宜順氣安胎
俟產而腫自消

彙補

喘脹相因

先喘後腫此肺不化氣水流爲腫治在肺先腫後喘

者乃脾不運化水泛為喘治在脾雜著治肺宜清金降

氣而行水次之治脾宜實脾理濕而降氣兼之彙補

肺腎相傳

脾病則肺金失養不但肺氣孤危且濁氣上升喘急咳嗽者有之必土實而後肺金清肅以滋化源又脾病則津液不化不特腎精損削且濕熱下注足跗浮腫者有之必土強而後腎水收攝以歸隧道入門

脉法

脉洪大者易治微細者難治又脉乍出者死脉經

治法

大法宜調中健脾胃氣實自能升降運行則水濕自

除此治其本也 丹溪

分治六法

治水之法行其所無事隨表裡寒熱上下因其勢而

利導之故宜汗宜下宜滲宜清宜燥宜溫六者之中

變化莫拘 葉補

治分陰陽

陽水宜辛寒散結行氣苦寒瀉火燥濕陰水宜苦溫

燥脾勝濕辛熱導氣扶陽 入門

治分汗滲

身有熱者可汗身無熱者可利飢膚痛者可汗溺赤
澹者可利腰上腫者可汗腰下腫者可利所謂開鬼
門潔淨府上下分消之也

彙補

濕熱宜清

濕者土之氣土者火之子故濕每生熱熱亦成濕母
子相感氣之變也故濕熱太盛火勢乘脾而腫者宜
清心火降肺金俾肝木有制脾無賊邪之患清濁運
行濕熱氣化而滲道又且開通其敗濁之氣清者復
回而爲氣爲血爲津液濁者在上爲汗在下爲溺以
漸去矣

丹溪

寒濕宜溫

水雖制于脾實則統于腎腎本木藏元陽寓焉命門
火衰不能自制陰寒溫養脾土則陰不從陽精化為
水故水腫有屬火衰者外症肢體腫脹手足並冷飲
食難化大便泄瀉呼吸氣冷此真陽衰敗脾肺腎俱
虛立法當煖中州溫下焦俾少火生氣上蒸脾土元
陽復而陰翳消三焦有所稟命決瀆得宜水道自通

必讀

陰虛宜補

腎者胃之關關門不利聚水生病故水腫有屬陰虛

肺金不降而浮腫其症腹大臍腫腰痛足硬小便
短澀咳嗽有痰不得臥倒面赤口渴但飲食知味大
便反燥此水附龍起相火溢水故也宜滋陰補腎兼
以保肺化氣準絕

邪實當攻

有外觸怒氣內傷飲食而腫者蓋肝常有餘觸怒則
益旺而傷脾脾愈不足傷食則不運而生濕濕熱太
盛鬱極而發上達于頭下流于足中滿于身之前後
浮腫如匏堅實如石寒冷如冰坐臥不得者最難論
治本當利便然內而膀胱外而陰囊相連緊急阻塞

道路苦無一線之通病何由去必開其大便以逐其

水隨下而隨補則邪去而正無損漸為調理庶可得

生寓意

滲忌太過

治濕當利小便雖為常法然執此一說以治虛症往

往多死蓋脾氣虛敗愈下愈虛雖劫效目前而正氣

陰損丹

水腫禁法

水腫初起其勢方銳最忌甘溫助濕作滿之藥尤戒

針刺犯之流水而死當絕酒色却葷醬戒忿怒以全

太和否則不治

入門

水腫死症

先腹脹而後散于四肢者可治先肢腫而後歸于腹者難治若唇黑耳焦人中脹滿背平肉硬赤腫如緋腹多青筋陰囊無縱五穀不化大便滑瀉者俱危又面黧黑者肝絕掌無紋者心絕神闕突者脾絕缺盆平者肺絕湧泉平者腎絕斷絕飲食者死胃氣已亡也又股間出水者死脾傷爛破也

彙補

水腫用藥

主以四苓湯加蒼朮木香陳皮厚樸枳殼姜皮陽水

請注彙編 卷之三
加黃芩山梔防已陰水加椒目乾姜肉桂腫在土加
蘇葉防風汗之腫在下加木通木瓜利之中滿加腹
皮厚樸泄之便溺閉加牽牛下之肺氣喘加葶藶瀉
之氣下陷升柴提之脾虛羸弱加人參白朮補之脉
實便實者用牽牛甘遂大戟芫花瀉之脾腎兩虛者
用金匱腎氣丸救之陽衰水冷者朮附湯主之陰虛
水溢者地黃湯加門冬五味主之血瘀成水者椒仁
丸主之虛弱瀉利浮腫者四君加減治之

附肺脹身腫

肺主皮毛風邪入肺不得宣通肺脹葉舉不能通調

水道下輸膀胱亦能作腫其症眼胞先腫初起卽喘

急不臥小腹無恙宜清肺葶藶丸主之
葶藶隔紙炒

貝母煨黃 木通各一兩 杏仁 防已各二兩 爲末棗肉丸

每服五十丸桑白皮湯下

水腫選方

加減胃苓湯 統治水腫隨症虛實寒熱加減用之

蒼朮 茯苓 大腹皮 猪苓 陳皮 澤瀉

厚朴 砂仁 桑皮 水煎加生姜皮三分實滯減

去白朮虛寒加肉桂

金匱腎氣丸 治脾腎兩敗水溢于外土囚于中而

成水腫

見濕症

復元丹

三因

治脾腎俱虛發為水腫四肢浮心腹堅

小便不通

附子

炮

南木香

煨

茴香

炒

川椒

炒

厚朴

炒

獨活

白木

炒

桂心

陳皮

吳萸

炒

澤瀉

半

肉豆蔻

檳榔

各半兩

為末糊丸桐子大每服五十

丸紫蘇湯下

實脾散

濟生

治陰水發腫

白朮

茯苓

木香

厚朴

姜炒

炮姜

陳皮

大

腹皮

草菓

不瓜

去穰

附子

炮

各一兩

甘草

五錢

每服

椒仁 甘遂 續隨子 附子 郁李仁 黑牽

牛 五靈脂 當歸 吳黃 延胡索 芫花

錢一 石膏 蛻青 十枚 班猫 十個 胆礬 人言 各一錢

右末之糊丸如豌豆大每服一丸虛者人參湯下

捷徑方 用大戟牽牛各一兩大棗二斤同煮去藥

食棗 又法用田雞和黃瓜煮食亦好

外治法 用商陸根打爛入射香少許貼劑中外以

綿裹煖引水下行又用螻蛄劈作四塊分上下左

右烘脆研末和入藥中術家以此稱奇終非正法

又法 用田螺大蒜車前草研為膏作大餅覆于臍

止使從便旋出數日可愈

...

食...

...

...

...

...

...

水煎加姜棗

四將軍湯 人壯病實便閉可下者先攻後補

甘遂 下 大戟 下 苦葶 中 大黃 上 水煎服待大便

行二三次後用

賈脾調氣丸

白木 上 陳皮 中 人參 中 神麩 下 水丸米飲送下二

錢

牽牛散 治脾濕太過遍身浮腫喘不得臥腹脹如

鼓大便不澹小便澁滯

黑牽牛 白牽牛 各一兩半 大荳 一合 白木 五錢 甘遂

二錢五分 爲末米飲調下三錢以利爲度

琥珀丸 祕方

沉香 鎊

木香

乳香 箬上

沒藥 各三錢

箬上 琥珀 半錢

半研

錢

白丑 六錢

生用

黑丑 錢六分

去頭末

一半生

棋榔 半兩

半生

煎汁浸焙熟

右爲末牙皂水打糊爲丸每服二錢

煎汁浸焙熟

七分炒糖湯下一服稍行其水即服補劑二三貼

再下琥珀丸一服又去水後仍復補劑二三貼以

行盡水爲度

椒仁丸

治水氣太盛泛濫皮肉挾血化瘀而成水

腫

破傷風章

大意

破傷風由傷處着邪傳播經絡榮衛不得宣通拮鬱
之氣遍行身體熱盛生風而成風象

醫統

內因

破碎小恙視為尋常卒遇風邪漸變惡候有因瘡口
未合失于調理而為風邪所乘者有因白基易長瘡
口遽合不得宣洩熱極生風者或因淋洗過多或因
艾火灼灸熱毒妄行乘虛內攻者

彙補

外候

凡金瘡傷處脹悶無汗者中風也邊出黃水者中水也並欲作瘡其在表也振寒善欠搖頭斜視角弓反張筋脉攣結爲中寒也寒熱更作涎唾稠粘者爲入裏也舌強驚惕口禁咬牙胸臆滿塞便濁祕澁爲入陰也身涼自汗傷處反陷者毒氣內走也

彙補

破傷重症

初雖在表旋卽入裏非若傷寒鬱熱不解而傳裏也但傷寒氣血未耗邪入少緩此症氣血外亡內已空虛邪入甚速比傷寒更重

死症

若頭面青黑須臾數發汗雨如珠脉散無根為八藏者死又痛不在傷處而在經絡者死又服發汗藥後前症不退傷處不高漸醒漸昏時發時止口禁不開聲音不出者終為死候

補錄

脉法

浮而無力者太陽也長而有力者陽明也弦小而急

者少陽也

醫統

治法

治分汗下和解三法初見表症宜辛熱治風衝開結滯邪在半表裏宜和解兼以祛風邪傳裏症宜寒涼

下其鬱熱若傷處出血過多者又不可專執汗下以致榮血愈虧宜滋陰養血仍用按摩引導勿令口禁彙補

用藥

表症無汗羌活防風湯表虛自汗白朮防風湯半表半裏症寒熱不止者小柴胡加蟬退荆芥裏症便秘者大芎黃湯裏症搐搦者江漂丸表裏盛者防風通聖散榮血虛者當歸地黃湯入陰分者其毒內走用萬靈丹發汗令風邪外出次以玉真散貼患上得膿爲效如傷處不起發外症不退者危

選方

羌活防風湯 治破傷風表症無汗脉浮數緊者

羌活 防風 川芎 當歸 芍藥 藁本 各八分

甘草 八分 細辛 地榆 各四分 熱盛加芩連四分便閉

加大黃一錢二分自汗多加白朮一錢

九味羌活湯 治表裡見症

羌活 防風 蒼朮 各八分 細辛 五分 川芎 白芷

生地 黃芩 甘草 各六分

白朮防風湯 治服藥已過藏府已和自汗多者

白朮 黃芪 各一錢 防風 二錢 水煎

小柴胡湯

見瘧症

防風通聖散

見火症

大芎黃湯

治破傷風臟腑祕小便赤自汗不休知

無寒也用此下之

川芎

一錢半 黃芩 二錢

羌活

一錢半

大黃

三錢

水煎

江漂丸

治破傷風驚而發搐臟腑祕熱在裡者

江漂

炒

左盤龍

殭蚕

野鴨糞炒 各五錢

雄黃

水飛 錢

蜈蚣

一對

加巴霜

五錢

燒飯為丸硃砂為衣丸桐子大

每服二十丸未下再進以利為度

當歸地黃湯

即四物湯加秦朮鉤藤天麻防風

玉真丹 治破傷風牙關緊急角弓反張甚則咬牙

縮舌

南星 防風 白芷 天麻 羌活 白附子等

分爲末每服二錢熱酒調服更敷傷處甚者三錢
童便調服雖內有瘀血昏死心腹尚溫者亦效若
爲風犬所咬便用嗽口水洗淨搭傷處亦效

萬靈丹 治瘡毒初起脉沉實及服汗藥後毒氣在

裡不盡者

硃砂

鹽花

各一錢五分

雄黃

明礬

生用

楓香

各二錢

赤

石脂

黃丹

琥珀

輕粉

各一錢五分

射香

片腦

各一錢 巴豆去殼水 草麻子另研各四十九个 右為末用巴

豆草麻子膏和藥為丸如和不就加煉蜜就成膏

收磁器內如用時旋丸芡實大每服一丸井花水

下或湯亦得忌熱物半日

風大則...

運動...

...

...

...

...

...

癘風章

大意

癘風乃天地間殺物之風燥金之氣也客于人身故
瘡而不膿燥而不濕榮衛之行澁令人麻木不仁毛
脫眉落最為酷烈常見患此者忽畧懈怠不知絕味
斷慾終成無救深為惜哉

補藥

內因

癘風古稱曰癩多由血熱得寒所致或夏月勞甚入
水澡浴或冬月醉後錫冰濕熱鬱于內而不散風邪
客于外而不行內外怫熱丹溪久之則血濁氣亂淫氣

與衛氣相干不得施化氣不得施血爲之聚血聚則

肌肉敗爛指經所謂熱勝血肉腐是也丹亦有瘡瘡

後不守禁忌使然者亦有飲酒厚味熱極生風者是

虛爲本而熱爲標也三錫

外候

濕熱甚則生風風勝則生蟲如腐草爲螢之義三內錫

既有蟲外必有應忽然皮毛脫落肌肉浮紫食肝則

眉落食脾則鼻崩食肺則聲啞食心則足穿食腎則

耳鳴或耳弦生瘡或遍身針刺狀如蟲行肌肉疔瘡

潰爛生瘡皆其外現者也彙補氣受之則在上血受之

則在下氣血俱受則上下俱有

丹溪

治歸陽明

此症皆歸重于手足陽明二經者以陽明爲氣血俱多之鄉胃與大腸主之肺脾二經之府也脾主肌肉肺主皮毛腑病及臟而皮毛飢肉應之况腸胃爲市無物不包無物不受故熱毒于中而形于外也治者必先取陽明而及于太陰乃本而標之之義

丹溪

治法

治法必先殺其蟲瀉其火然後生血涼血祛風導滯降陽升陰皆爲治法之急務也

丹溪

附姑蘇黃氏滇南傳歸大風神方是方外父端

尋親時上司高松筠念其徒步問關特出異方贈之轉授之余余亦何敢私祕刊之以公天下

耳云

風病主方

苦參酒洗草胡麻淘淨白蒺藜去刺各防風 荆芥

穗 真甘菊各三為末米糊丸如桐子大每服三

錢空心藥酒下 如在頭面加後藥

僵蚕三兩蟬退酒洗蒿本酒洗各川芎 薄荷 牛旁

各一 如在手部加 羌活酒洗風藤酒洗各升麻

五兩 如在足部加 牛膝酒洗薏仁各二木瓜 防

巳 石斛各一兩 如在遍身加 白蘚皮 海桐

皮各一兩 五茄皮三兩 山慈孤二兩 秦芫一兩 如見口眼

歪斜加 蜜蒙花 青箱子 决明子各一兩 五錢

竹節白附子姜汁炒 如燉腫血熱者加 黃芩

二兩 黃連酒浸 黃柏一兩 玄參 連翹各二兩 山梔一兩

犀角鎊 羚羊角鎊 丹皮二兩 如頑痺冷麻加

大附子 川烏 草烏 兩頭尖各一兩 姜汁俱 石菖

蒲一兩 桂枝五錢 如肥人有濕痰者加 蒼朮炒 白

朮炒 半夏各二兩 天麻酒煨 蒺藜草九蒸 萆薢晒 薜荔一兩

如血虛者及女人加 當歸酒洗 生地各四兩 白芍酒炒

川芎各二兩 如病深重壯實者用四桂散半月一

服服二三次即止 大黃兩半 白牽牛頭末 檳榔 皂

角刺淨末各一兩 右為末每服三錢糖酒送下小兒每

歲一分下二三次用米湯補之

風病省麻換肌收功丸方

當歸酒洗 枸杞各四兩 草胡麻 甘菊 苦參 白朮

藜炒 白蘚皮各三兩 五茄皮 何首烏人乳蒸 明天麻

酒煨 烏梢蛇淨肉 白花蛇淨肉各二兩 嫩桑枝搗汁煎膏

為丸如梧子大每服三錢空心藥酒下

藥酒仙方

白蘚皮 地骨皮 烏梢蛇 白花蛇 白蒺藜

炒去刺 草胡麻 打碎 何首烏 荆芥穗 甘菊 各

錢 風藤 三錢 皂角刺 二錢 無灰酒一埕入藥在內封固

隔水煮熟蜜七日開飲

風病臨浴服丸藥 七日一服

蒼耳苗 洗 紫背萍 淨 烏梢蛇 淨 等分為末用新鮮

皂角刺煎膏為丸如梧子大每服七八十丸藥酒

風送下

風病浴湯方 七日一浴

桑枝 槐枝 桃枝 蒼耳苗 鮮地骨皮 野

薔薇根 紫背萍 七味不拘多少煎湯浸浴竟

日擇明亮無風虛浴

風病擦藥祕方 治風症腫熱或如雲頭或如癰或

成塊或瘡疹不穿爛者

真柏油

二兩煎滾
黑色去渣

大楓子

淨肉一兩
搗

桃仁

五錢
去皮

杏仁

五錢去
皮尖

水銀

一錢五分
研三味內

已上四味候油冷未凍調

和

輕粉

錢半

樟腦

錢一

真

冰片

一分

射香

半已上

五味研細候油凍搗和合好埋土中一日夜去火

氣用指蘸擦患處一日擦二次十日見效

風病遍身穿爛敷藥方

柏油

六兩煎法如前

芝蔴

三合炒焦研

大楓子

肉六兩研

桃仁

去皮

水銀

三錢研

杏仁

皮尖兩去

已上五味

候油未凍調和

乳香

沒藥

各一錢箬上炙

樟腦

面二錢

牛黃

三分

冰片

二分射

香

分一已上七味研細候油凍搗和埋土中如前用

附鵝掌風方

先以麻油四兩煎微滾入黃蠟再煎

以無黃沫為度取起入輕粉一錢五分黃丹硃砂

各一錢敷手心患處以火薰之即愈

又方 先以桐油塗在手上將鴿糞薰之以一炷

香時如此三日立效

痺症章

大意

風寒濕三氣雜至合而為痺其風氣勝者為行痺寒

氣勝者為痛痺濕氣勝

者為着痺

內經行痺者痛無定處

俗名流火亦曰走注今呼為鬼箭也痛痺者痛有定

處即今之痛風也着痺者即今至麻木不仁也閉塞

不通謂之痺或痛痺麻痺或手足緩弱與痿相類但

痿症不痛痺症多痛四肢肌肉不為我用為異耳

補

內因

由元精內虛而三氣所襲不能隨時祛散流注經絡

久而成痺

醫鑑

以春遇此爲筋痺以夏遇此爲脉痺以

秋遇此爲皮痺以至陰六月遇此爲肌痺以冬遇此

爲骨痺各因其時重感于風寒濕也

經文

外候

大抵痺之爲病在骨則重而不舉在脉則血凝不流
在筋則屈而不伸在肉則四肢不仁在皮則頑不自
覺遇寒則急遇熱則縱煩滿喘嘔者是痺客于肺煩
心上氣喘乾善噫厥脹滿者是痺客于心多飲數小
便小腹滿如懷妊夜臥則驚者是痺客于肝善脹尻
以代踵脊以代頭者是痺客于腎四肢懈怠發咳嘔

沫上爲大塞者是痺客于脾門入

脾分上下

風濕多侵于上肩背麻木手腕硬痛寒濕多侵于下
脚腿木重足膝疼痠上下俱得身如板夾脚如石墜

補彙

痺久成痠

虛之所在邪必湊之邪入皮膚血脉輕者易治留連

筋骨久而不痛不仁者難治補彙其不痛不仁者病久

入深榮衛之行澁經絡時疎故不痛皮膚不榮故不

仁內經

總治

治當辨其所感注于何部分其表裏須從偏勝者爲
主大風宜疎散寒宜溫經濕宜清燥審虛實標本治
之有餘則發散攻邪不足則補養氣血若不痛但麻
痺不仁與痿同治彙補

分治

治行痺散風爲主禦寒利濕仍不可廢參以補血之
劑乃治風先治血血行風自滅也治痛痺散寒爲主
疎風燥濕仍不可缺大抵參以補火之劑非大辛大
溫不能釋其凝寒之害也治着痺利濕爲主祛風解

寒亦不可缺參以補氣之劑蓋土強可以勝濕而氣

足自無頑麻也

必讀

非以治分始末

初起強硬作痛宜祛風化痰沉重者宜流濕行氣久

則須分氣血虛實痰瘀多少治之

彙補

脈法

脈澁而緊為痺脈大而澁為痺脈來急為痺

巖氏

八面用藥

主以四物湯加羌活防風秦艽紅花姜黃等風勝加
白芷濕勝加蒼朮南星熱勝加黃柏寒勝加獨活肉

桂上體加桂枝威靈仙下體加牛膝防已萆薢木通
黃柏初起發表用升陽散濕湯調理用當歸拈痛湯
久而元氣虛弱用補中益氣湯

按濕熱痰火鬱氣死血留經絡四肢悉能爲麻爲痺
或痛或痒輕而新者可以緩治久而重者必加川烏
附子祛逐痰濕壯氣行經斷不可少大便阻滯必用
大黃味者畏其峻利多致狐疑不知邪毒流滿經絡
非川烏附子豈能散結燥熱結滯腸胃非大黃豈能
潤燥要在合宜耳故筋痺卽風痺也遊行不定上下
左右隨其虛邪與血氣相搏于關節或赤或腫筋脉

弛縱者防風湯脈痺卽熱痺也臟腑移熱復遇外邪
客于經絡留而不行故爲癱痺肌肉熱極唇口反裂
皮膚色變升麻湯肌痺卽濕痺着痺也留而下移汗
多四肢緩弱皮膚不仁精神昏塞俗名麻木宜茯苓
川芎湯皮痺者邪在皮毛癢疹風瘡搔之不痛宜疎
風養血骨痺卽寒痺痛痺也痛苦切心四肢攣急關
節浮腫宜加減五積散周痺也周身俱痛宜蠲痺湯
血痺者邪入陰分若被風吹骨弱勞疲汗出臥則搖
動宜當歸湯支飲者手足麻痺臂痛不舉多睡眩冒
忍尿不便膝冷成痺茯苓湯

補錄

選方

防風湯

河澗

治風勝為行痺上下行走掣痛

防風

當歸

赤苓

杏仁

各一錢

黃芩

秦艽

葛根

各二錢

羌活

八分

桂枝

甘草

各五分

加姜水煎入

酒半杯服

茯苓湯

治寒勝為痛痺腫痛拘攣無汗

赤苓

半錢

桑皮

防風

各錢

官桂

五分

川芎

一分

芍藥

麻黃

各一錢

姜棗

茯苓川芎湯

治着痺四肢重着流注於經拘攣浮

腫

即上茯苓湯加蒼朮炙草大棗溫服欲出汗

以溫粥投之

升麻湯

河澗

治濕痺肌肉熱極體上如鼠走唇口反縱

皮膚色變兼治諸風熱

升麻

茯苓

人參

防風

犀角

羚羊角

二件

鎊

羌活

各一錢

官桂

三分

生姜

竹瀝

五痺湯

治三氣客于肌體手足緩弱麻痺不仁

片姜黃

羌活

白朮

防已

各一錢

甘草

五分

生姜

症在上下分食前食後熱服

茯苓湯

治多飲停蓄手足麻痺多睡眩冒

卽二

陳湯加枳實桔梗

蠲痺湯 治周痺及手足冷痺脚腿沉重背項拘急

赤芍 當歸 黃芪 姜黃 羌活 各一錢半 甘草 五分

姜棗煎

當歸湯

當歸 二錢 赤芍 一錢五分 獨活 防風 赤苓 黃苓

秦芃 各一錢 甘草 六分 桂心 三分 生姜

羌活湯 治白虎歷節風毒攻注骨節疼痛發作

定

羌活 附子 秦芃 桂心 木香 川芎

當歸 牛膝 桃仁 骨碎補 生姜

虎骨散 治白虎肢節痛發則痛不可忍

虎骨 甘草 全蝎去毒各五錢 射香分一天 天麻 防風

牛膝 僵蚕 當歸 乳香 桂心 白花蛇酒浸

取肉各二兩 每服三錢豆淋酒下

續斷丸 治風濕流注四肢浮腫肌肉麻痺

當歸 續斷 草薢各一兩 川芎七錢半 乳香五錢 天麻

防風 附子各一兩 沒藥五錢 蜜丸温酒下

芫花 柳子 杏仁 蘇子 桑白皮 葶藶 薏苡仁 白芥子 瓜蒌 枳實 枳殼 厚朴 木香 香薷 薄荷 蘇薄荷 蘇合香 蘇合香油 蘇合香丸 蘇合香散 蘇合香膏 蘇合香丹 蘇合香餅 蘇合香糖 蘇合香酒 蘇合香露 蘇合香膏 蘇合香丹 蘇合香餅 蘇合香糖 蘇合香酒 蘇合香露

蘇合香 蘇合香油 蘇合香丸 蘇合香散 蘇合香膏 蘇合香丹 蘇合香餅 蘇合香糖 蘇合香酒 蘇合香露

蘇合香 蘇合香油 蘇合香丸 蘇合香散 蘇合香膏 蘇合香丹 蘇合香餅 蘇合香糖 蘇合香酒 蘇合香露

蘇合香 蘇合香油 蘇合香丸 蘇合香散 蘇合香膏 蘇合香丹 蘇合香餅 蘇合香糖 蘇合香酒 蘇合香露

蘇合香 蘇合香油 蘇合香丸 蘇合香散 蘇合香膏 蘇合香丹 蘇合香餅 蘇合香糖 蘇合香酒 蘇合香露

蘇合香 蘇合香油 蘇合香丸 蘇合香散 蘇合香膏 蘇合香丹 蘇合香餅 蘇合香糖 蘇合香酒 蘇合香露

蘇合香 蘇合香油 蘇合香丸 蘇合香散 蘇合香膏 蘇合香丹 蘇合香餅 蘇合香糖 蘇合香酒 蘇合香露

痛風章

大意

痛風即內經痛痺也因氣血虧損濕痰濁血流滯經絡汙而為病或客四肢或客腰背百節走痛攻刺如風之善動故曰痛風

彙補

熱盛則痛濕勝則腫

經文

大率痰火多痛風濕多腫內

因六慾七情或病後亡津血熱沸騰亦必外感六淫而後骨節鑽痛久則手足蹇攣外因涉冷坐濕當風亦必血熱而凝滯污濁所以作痛甚則身體塊瘰痛

必夜甚者血行于陰也

丹溪

外候

輕則骨節疼痛走注四肢難以轉移肢節或紅或腫

甚則遍體癢塊或腫如匏或痛如掣晝靜夜劇以其

痛循歷節曰歷節風甚如虎咬曰白虎風

丹溪

痛分肥瘦

瘦人多陰虛火旺血不榮筋肥人多風濕生痰流注

經絡

丹溪

上下晝夜

上體宜祛風豁痰散熱微汗下體宜流濕行氣和血

舒風陰虛則脉弦散而重在夜陽虛則脉虛大而重

在晝三錫

脉法分辨

寸口脉沉而弦或六脉濇小皆為痛風因火作痛口

乾燥渴脉來洪數因濕作痛惡心腫滿脉必沉滑濕

熱相兼者身重而痛脉必沉濡而帶數急血虛痛者

四肢軟弱而痛甚于夜脉來乳大無力血瘀痛者隱

隱然痛在一處而不移脉現濇滯彙補

證候分辨

凡流走不定久則變成風毒痛入骨髓不移其處或

痛處腫熱或渾身壯熱若勞役而痛者元氣虛也惱
怒而痛者肝火盛也陰寒而痛者濕鬱也飲食失宜
而痛者脾鬱也大約按之痛甚者邪氣實按之痛緩
者正氣虛又腫滿重着者濕也面紅掣痛汗黃者風
也肩背頭項不可回顧者風入太陽而氣鬱也小便
數而欠呻者肺氣鬱熱也臂髀腰脚骨熱腫痛行步
艱難者濕熱成痺也面赤尿赤者暑濕相搏也結腸
肢腫大便秘結者熱毒流注也肢節掣痛小筋急痺
者寒也初起眩暈自汗肢節胃脇刺痛者氣也痛從
背起至胃脇者思慮傷心也初起胃滿嘔吐者食積

也髀樞左右一點痛起延至膝舒腫大惡寒夜劇者
痰也四肢歷節走痛氣短脉沉者留飲也遍身痒痛
如蟲嚙遇痒卽食不致頻嚙者蟲也亦有氣血兩虛
陰火作痛者既屬虛症而似實症最宜詳辨彙補

痲後作痛兼服

有血痲兜蚤惡血留于經絡作痛者此瘀血也有痲
久兩脚痠軟疼痛或膝腫如鼓槌此亡陰也血瘀逐
瘀陰虛補陰切不可兼用風藥反燥其血若足腿枯
細膝腫大者名霍膝風症彙補

痛風禁忌

肉屬陽性能助火如素多痰火而痛者因少水不能
滅盛火若食厚味必加燥渴上為痞悶下必遺溺故
禁之

初起因風濕熱者當流動機關不可遽補病久則宜

消瘀血養新血兼理痰火則血自活氣自和痛無不
愈久不止者間用升降之劑或端至補脾如久病及
亡血產後俱不可純用風藥燥血如年高舉動則筋
痛者是血不能養筋名曰筋枯難治

藥補山

用藥

主以四物湯加秦艽桑枝紅花桂枝上痛加羌活靈
仙下痛加葶藶防己木通牛膝濕痰加南星半夏血
瘀加桃仁紅花牛膝濕熱加蒼朮黃柏氣虛加參芪
血虛加龜板牛膝如周身關節痛逢陰寒則發者爲
濕鬱用二陳湯加蒼朮白朮風毒痛用敗毒散治之
崔膝風用大防風湯

附鬼箭辨

俗以遍身作痛呼爲鬼箭夫鬼神無形身能有箭所
以然者其人衛氣空虛腠理不密賊風乘虛而入客
于經絡榮衛不通則痛南人稱爲鬼箭北人稱爲羊

毛疔就其痛處按之用針挑出形如羊毛故名南人
亦就此毛爲箭其實閉塞結硬之絡脉也若真以爲
箭爲疔不亦冤乎世之治此者或挑以洩其氣或燃
麻油燈以焯之或用艾葉温散石灰炒熨或用白芥
子調之外敷或用金銀花內服取效從無一定之方
嘗見挑時暫快過則依然甚至挑斷絡脉終成痿癱
良可惜哉

彙補

選方

丹溪方 治氣血兩虛濁痰陰火痛風

人參

山藥

海石

南星

各二兩

白朮

熟地

黃栢酒炒 龜板炙各二兩 乾姜炮 鎖陽各五錢 酒糊丸

丹溪曰肢節腫痛痛屬火腫屬濕蓋為陰寒所鬱而發動於經絡之中濕熱流注于肢節之內先宜微汗以散之

麻黃上 赤芍上 防風中 荆芥中 羌活中 獨活中

白芷中 桔梗中 葛根中 川芎中 甘草下 歸尾下

升麻下 婦人加酒紅花腫甚加檳榔腹皮澤瀉

更加沒藥一錢定痛尤妙下焦加酒炒黃栢脉瀉

滯有瘀血者加桃仁紅花川芎當歸甚者加大黃

微利之

加味二妙丸 治兩足濕熱疼痛或如火燎從足跗

熱氣漸至腰膝或麻痺痿軟

蒼朮

上

黃柏

中

牛膝

下

歸尾

下

防已

下

草薢

下

龜板

下

酒糊丸

蠲痺湯 治風痰濕火鬱于四肢手足頑痺

黃芪

上

羌活

上

赤芍

上

姜黃

上

當歸

各一錢半

甘草

五分

姜棗煎

大防風湯

人參

上

附子

下

白朮

上

羌活

上

川芎

中

防風

上

甘草

上

牛膝

下

當歸

上

黃芪

上

白芍

上

杜仲

上

生地 生薑

附俗用鬼箭方

用木龍藤子名鬼饅頭焙乾酒服或用羌活防風
木瓜鈎藤同煎服

又用五靈脂紅花酒煎服亦妙

大肌正氣補珠茶餅煎如衣紋

木瓜鱸蕪同煎如

肌木煎蕪干冷肌雞翅缺蕪餅煎如瓦川家滑肉厘

肌粉肌肌煎式

坐肌坐美下

學地桂律

麻木章

大意

榮血虛則不仁衛氣虛則不用不用不仁卽麻木之

類歟

補藥

內因

麻木因榮衛之行澁經絡凝滯所致其症多見于手足者以經脈皆起于指端四末行遠氣血罕到故也若兼虛火則肌肉燥動不可悞作風治

補藥

外候

麻者非痒非痛或四肢或周身唧唧然不知痛痒如

繩紫縛初鬆之狀正在手多兼風濕在足多兼寒濕

補木者不痒不痛按之不知搔之不覺如木之厚常

木為瘀血間木為濕痰入死血者只在一處不腫不

痛但紫黑色而木濕痰走注有核腫起白色不變繩

麻木分辨

麻猶痺也雖不知痛痒尚覺氣微流行木則非惟不

知痛痒氣亦不覺流行入

麻痺有分

痿屬血虛木屬氣虛二者均謂之痺皆不足病也其
症不痛惟風寒濕三氣雜至為痺者乃有餘之病故

多痛有氣血俱虛但麻而不木者有虛而感濕麻木
兼作者有因虛而風寒濕三氣乘之周身掣痛麻木
併作者古稱之曰周痺正傳

十指麻木

手足乃胃土之末十指麻木乃胃中有食積濕痰死
血所致亦有氣血大虛而得者最宜力辨丹溪

舌本麻木

心脾肝腎四臟之絡皆合舌本故脾腎虧濕痰風火
乘間而入均使舌本麻木彙補

半身麻木

左右者陰陽之道路左半手足麻木者責風邪與血
少右半手足麻木者責氣虛與濕痰

彙補

眩暈麻木

有遍身麻木隨即眩暈不省良久方甦者其症有三
或風中于外或痰動于中或心虛所致蓋心之所養
者血所藏者神氣虛則運行不到而血亦罕至由是
心失所養而成昏暈

彙補

脉法

脉浮而濡屬氣虛關前得之麻在上關後得之麻在
下脉濇而芤死血爲木不知痛痒

醫鑑

治法

治宜祛風理氣養血清痰

墨纒

初病不可驟用參芪歸

地恐氣血凝滯邪鬱經絡不散若久而純屬正虛者

又當大補榮衛

果補

用藥

麻以四君子加黃芪天麻陳皮香附木用四物加紅

花牛膝桃仁丹皮以行死血痰用二陳加蒼朮竹瀝

姜汁白芥子以行濕痰或挾風邪者五積散主之

彙補

選方

補氣和中升陽湯

治閉目則渾身麻木開目漸退

晝減夜甚此氣不行故也 卽補中益氣湯

蒼朮 草薹蔻 澤瀉 茯苓 黃栢 白芍

佛耳草 生甘草 氣不運加水香

人參益氣湯 治兩手麻木四肢困倦怠惰嗜臥熱

傷元氣者

人參 黃芪 白芍 升麻 柴胡 五味子

生甘草 炙甘草 水煎熱服

神效黃芪湯

人參 黃芪 各二錢 白芍 一錢 蔓荊子 二分 甘草 一錢 陳皮

五分

痿病章

大意

諸痿強直皆屬於濕經文濕屬太陰脾土土太過反兼

風化制之然兼化者虛象而實非風也大率屬氣血

虛弱有火有痰丹溪故身如角弓四肢強直曰痿

內因

人之筋各隨經絡結束于身血氣內虛筋無所養故

邪得以入之三因然雖外因風寒濕氣內因六慾七情

皆必挾痰火而後發入門

外候

外症身熱足冷頸項強急惡寒面赤手足搐搦目脉
赤獨頭搖卒口噤背反張者太陽經瘧也若偏在左
眼左手搐搦者少陽經瘧也

傷寒書

分剛柔

發熱惡寒搐搦無汗者剛瘧也不熱惡寒厥冷汗出
者柔瘧也大抵剛瘧必先傷寒而後傷濕柔瘧必先
傷濕而後傷風也

彙補

分陰陽

陽極則為剛多類風瘧宜清熱化痰祛風陰極則為
柔多類厥症宜溫補化痰降火

彙補

分風痰痰火

發時昏冒不惺口眼歪斜手足搐搦左右搖動者風痰也若發熱面赤喘嗽生痰者痰火也大段由痰火內熾風熱外煽相搏而成也

彙補

諸病變症

太陽病發汗過多則瘧風病下之亦瘧復發汗必拘急瘡家雖身痛不可汗汗之則瘧產後血虛腠理不密風邪搏之則瘧原其所由皆屬氣血兩虧不足之症宜參朮濃煎佐以竹瀝姜汁時時啜之如不應換

以十全大補湯

彙補

虛痙非風

有絕無風邪而筋脉攣急角弓反張者此氣血虛極

不能養筋也

正傳

凡老年氣血衰少夜着風寒脚腿筋

急者亦血虛也氣虛者補中益氣湯加竹瀝或六君

十湯加黃芪附子血虛者四物湯加羌防或大秦芫

湯

痙癱有別

病發身軟時惺者為癱身強直角弓反張不惺者為

痙

王机

死症

瘥病口張目瞪昏冒無知者難治又戴眼反折手足
瘥瘥汗出如油或反張離席一掌者死小兒離席一
指者死

醫統

脈法

瘥病之脈上下弦急緊浮盛為風洪滑為痰虛濡為
虛急實者為剛瘥沉細者為陰瘥伏弦者危凡瘥脈
如雨濺出指外者死

彙補

治法

惟宜補血降火敦士平木清痰去濕隨症而用
起多屬痰火久必是血虛

劉純暴

風藥宜禁

痙病虛為本痰為標切不可純用風藥故血藥在所必加蓋血虛則火旺火旺則風生風勝則燥作能滋其陰則風自息而燥自除

入門

補劑當施

陽氣者精則養神柔則養筋故氣虛筋惕當用參芪以裨之手得血而能握足得血而能步故血虛筋惕當用歸地以潤之

彙補

用藥

主以如聖散加竹瀝姜汁有汗加白朮桂枝無汗加

蒼朮麻黃或加乾葛痰多加貝母瓜蒌枳實蘇子火
盛加山梔門冬花粉去羌防柴芍芷半烏藥如口禁
咬牙大便實者加大黃氣虛加入參黃芪血虛加熟
地黃芪產後去血過多成瘕者全治養筋加秦芫勾
藤續斷行血加牛膝獨活木瓜

選方

如聖飲 治剛柔二瘕與瘕瘕全治

羌活 上 黃芩 中 川芎 中 白芷 中 柴胡 中 芍藥 中

八參 中 當歸 中 甘草 下 半夏 下 烏藥 中

當歸補血湯 治去血過多筋無血養令人四肢攣

急口噤如痲

黃芪上當歸中羌活下防風下甘草下水煎

防風當歸飲治發汗過多發熱頭搖口噤反張祛

風養血

防風當歸川芎生地等分水煎

舉啣古拜散治新產血虛發痲汗後中風

荆芥穗不拘多少微炒為末每服三五錢以大豆

黃卷炒以熱酒沃之去黃用汁調下其效如神